

Nilo Swaen a muestra hipocresia y arogancia

Ministro Swaen kier culpa Gobierno anterior

ORANJESTAD (AAN) For di seno di ambtenaarnan cu dia pa dia ta wak pagonan miyonario pa compinchinan di ministronan y hendenan liga na partido pasa nan dilanti, redaccion a haya reaccion pa loke ta trata e informacion cu a sali publica ayera encuanto pagonan miyonario haci na oficina di abogado Hendrik Croes.

Ambtenaarnan a rabia masha hopi mes ora nan a tende con ministro Nilo Swaen a reacciona ayera riba pagonan miyonario haci na oficina di Hendrik Croes.

Nilo Swaen como ministro di Finanzas a bisa ayera na prensa cu e no tabata sa di e pagonan miyonario haci na oficina di Hendrik y cu ta den DIARIO el a wak e informacion.

Esaki tabata un berguensa y un hipocresia di marca mayor segun ambtenaarnan rabia pasobra con por ta posibel cu un ministro di Finanzas kende ta encarga cu placa di gobierno, ta kere di por bay gaña pueblo cu e no tabata sa cuanto miyon su departamento tabata paga na abogado?

Segun ambtenaarnan, Nilo Swaen como ministro di Finanzas tabata sa masha bon cuanto placa su departamento tabata paga na abogado.

Pa ambtenaarnan cu ta wak con placa di pueblo ta wordo malgasta, e reaccion di ministro Nilo Swaen tabata uno hopi arogante.

Ambtenaarnan rabia a bisa bon cla cu ministro di Finanzas mester bay muestra cara awe na manifestantenan y no kere di awor por bay sconde tras di argumentonan cu ta gastonan di abogacia cu e gobierno anterior a laga atras.

Ta for di ki tempo e gobierno di AVP/OLA tabata emplea abogado of oficina di abogado Hendrik Croes?

Den un comunicado masha fofu mes manda ayera pa prensa, Nilo Swaen a trata di defende su mes y su gobierno cu ta haci nada otro cu privilegia nan mesun famianan y amigonan politico.

Bao di e capa atrobe cu ta e gobierno anterior a laga debe atras, Nilo a trata di defende su mes den e comunicado bisando cu loke a wordo paga na Hendrik Croes tabata debenan di ultimo 8 aña; a otro perro con ese weso.

Loke a cay den masha mal

tera atrobe cerca pueblo tabata e politica bieu cu e gobierno aki a bin cune pa hustifica nan mal maneho, esta cada biaha bay kere di por gaña pueblo cu e gobierno anterior tambe a gasta hopi placa cu cierto asuntonan y asina trata na hustifica derochamento di placa cu e gobierno actual di MEP ta haciendo den dia cla.

Nilo Swaen a bay bisa ayera cu su gobierno tambe por bay saca listanan largo di pagonan haci na abogadonan durante e gobernacion anterior y el a menciona como ehempel oficina di abogado na Merca, pero Nilo mester compronde cu pueblo no a vota pa MEP haya 12 asiento pa despues bay haci peor cu e gobierno anterior.

Pesey e reaccion di Nilo Swaen ayera a muestra pueblo un biaha mas cu e supuesto politiconan hoben cu lo a bin trece un cambio real den gobernacion, esta Nilo y

Marisol a resulta den un fracaso y debacle publico pasobra tempo cu MEP tabata tilda cierto integrantenan di AVP di tabata cloon di nan ministronan, e ministronan y parlamentarionan hoben di MEP no ta mucho diferente y te hasta por bisa cu nan ta peor cu e bieunan pasobra na lugar di a siña di eror di e bieunan, nan a bin ta haci peor ainda.

By the way Nilo si bo kier papia di race track pa hustifica derochamento di placa di bo gobierno anto muestra pueblo e caso den corte contra Race Track con el a wordo defende.

Ta berdad cu pueblo no por haya e caso di Race Track pa wak pasobra e ora ey pueblo lo haya sa cu maniobranan straño y hopi dudoso a wordo haci pa e caso wordo perdi pa asina hinca pais Aruba den mas debe pa di tal forma culpa AVP?

No ta pornada Henny Eman a declara recientemente cu e hecho cu Nel y Nilo himself a bay te Italia pa paga debenan cu pais Aruba no mester a paga tabata un acto hopi DOM pasobra e gobierno anterior a regla e asunto ey caba cu gobierno Hulandes.

Te awe ni Nilo ni Nel por a contradeci Henny Eman ora Henny a yama nan tur dos pa DOM.

Clemente Geerman cu yamada na Pueblo


ORANJESTAD (AAN):- Ex-sindicalista, Clemente Geerman, ta haci un yamada na e pueblo en general pa bin join e marcha di protesta, diamars awor for di DOW pa bestuurskantoor.

E marcha di protesta aki ta contra abuso y inhusticia cu ta worde cometi conta e clase trahado en general. Yamada di Sr. Geerman ta pa tur hombernan y muhernan pa bin demostra nan mal contento contra e gobierno di

MEP. No tin placa pa e homber chikito ni pa e pueblo pero pa e ministernan, parlamentarionan y nan compinchinan si tin placa. Bini uno, bini tur sin falta.

Mihor muri riba pia, cu muri na rudia. Solo el pueblo salva el pueblo di esclavitud moderno di MEP. Uni nos ta vence, dividi nos ta muri. Ban nos tur marcha sin violencia, sin alcohol y droga.

SOCIAL DEMOCRAT PA KEN!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Cabez di Olifante SPECIAL

Awe stima Hopi dipart Zulair nieton Zu-ka mami mami Hiep dipart y Zaid (via I)

Cu aw bendic cu KOOL angeli alegria celebr felis. felicit su m welan. Mirna Jessy, padrini grandi otro n jena c lubida amigit Speels (via I)

Awe jong Felici prins foi h Carol Janine stenn coleg espec cret a mami tur m mi tey salud you, h (via I)